

**1. NAUNAIYAUT**

<b>Havaap Nampaa.</b> Takulugu Ilanga	<b>Havaap Atia:</b> Atiliuqhimayuq Munaqhi, Pilaqhiktauvianni (OR/RR/Ubluummaat Pilaqhiktauyukhanut/CSR)	<b>Atan’nguyap Havaanga</b> Atan’nguyaq Munaqhinut, Pilaqhiktauvianni
--	--	---

<b>Havakvik</b> Aanniaqtailinikkut	<b>Havagviat/Avikturvianni</b> Iqaluit	<b>Nunallaaq</b> Iqaluit	<b>Nayugaa</b> Qikiqtani Aanniarvia
---------------------------------------	---	-----------------------------	--

<b>Freebalance Naunaitkutaangit:</b>	10640-01-2-235-1000000-01
--------------------------------------	---------------------------

**2. HUUQ PIDJUTIGIYAUYUQ**

<p><b>Pidjutigilluaqtakhaa huuq havaagiyayukhaq, havaariyakhainut qanurinhainutlu iniktigutainnut.</b></p> <p>Atiliuqhimayuq Munaqhi (RN mik naunaittuq), Pilaqhiktauvianni; ilauqatauyuq pilaktuiyuktuni ihumagillualiuqhutik illitturiyaami tikiutiyaamilu inuup ihariagiyainik pilaktuktauyukhanut munariyautillutik pilaktautinnani. Atiliuqhimayuq Munaqhi munagivagait aanniaqviliagtut atuqhuni munaqhiit atukpagainnik ihivriungnirmun, upalunggaiyainirmun, havautituktittinirmun qanuriliuqtukhamutluunniit, atuliqtittinirmun, qanurittaaqhaaniklu ihivriuqattaqhuni, malikhugit Atiliuqtukhaayunut Munaqhiit Katimayiinggita Nunattiaqmi Nunavunmilu (RNANT/NU mik naunaittuq) Havainnakpagainnik; hivunikhait ikayuutigiyayukhat piliuqhimayutlu atugakhat malikkuutikhatlu Iqalungni Munaqhiliqidjutinut; qauyimayukhaqlu Pilaktauvianni Munaqhiit Kanatami (ORNAC mik naunaittuq) Atuinakpagainnik. Havaqatiginaqtait munaktiuyut, Munaqhi atuqluni munaqhiit illitturihimayainnik illitturipkaiyaami aanniaqviliagtup qanurinmanggaat timimi, ihumakktut, pitquhitigut ukpigiyainniklu kiudjutigiyainnik pilaktautinnani, ihumalutik munariyaahimmaagutikhaanik nakuuhittiqtigutikhainiklu aanniaqtup. Atiliuqhimayuq Munaqhi munariniaqtait ikayuqlugitlu aanniaqtut pilaktautinnatik, pilaqhiliqitillutik pilaktauhiugumiklu. Atiliuqhimayuq Munaqhi ikayurniaqtait pilakti ikayuqtiuyutlu pilaknikkut havaanginni.</p>
---

**3. HAVAAKHAQ**

<p><b>Naunaiklugu aktuqtaunia havaangga talvainnakmi havakpagaiginni, aktuqtaunahugivariaqhaaluunniit aadlanut havakviinnut, kavamatkut tamainni, inungnut talvaniittunik talvaniinggittunikluunniit. Qanuqtun havaangga aktuqtaavidjutiqaqpakpa katimayiinnut/inungnut, katimayiyimut uvalu/hapkunanutluunniit maniit avatqudjutiqaqngittunik? Hunauyut kangiqhidjutit aktuqtaudjutaannut?</b></p> <p>Imaalu, munaqhiliqidjutinut munariyakhaatigut, havaagikyakhainnik Atiliuqhimayuq Munaqhi, Pilaktauvianni ilaliutiqaqtuqlu (kihimi havaaqhait kigliqhaqanggittutlu): Pilaktauvianni (OR mik naunaittuq), Pilaqhilihaaqtut Igluanga (RR mik naunaittuq), Ubluummaat Pilaqtauvikhanut Halummaqhiivinggat Hanalgutinut (CSR mik taivgaat). Havaami havaaqhaqtaquqlu kihimi havaaqhait kigliqhaqanggittutlu, Pilaktuinikkut, Hauninut Nukiinnunutlu, Nakahuktigun, Hiutirnut, Qin’ngaknut, Iggiaknutlu, Arnat Timainnut, Hin’ngaiyarnirmun Kiguhiliqinirmunlu.</p> <p>Qauyimayukhaq qanuriliuqtukhamingnik tamainni piyaami nakuuqpiagtumik pilaktuinikkut munaktauyukhani.</p> <p>Pilaktuiviitni angginirmik havaaqhaqtaqtitpaktut aanniarvingmi. Havakpiaqtanggit, iniktigiyut nakuuyumik</p>
---

nakuuqpiagtumik upalunggaiyaivakhutiklu pilaktuiyiit pidjutiqaliqpaktut anggiyuamik aktuqtauniqmik tamainni havaktauhimayuni aanniaqvingmi aanniaqtuplu iniktigutainni. Havaktikhaq ilaudjutiqaqyuaqtuq pilaktuiviyuni anggiyuamiklu havaaqaqtuq pilaktuivikhaatigun iniktigutikhainniklu nakuuyumik pilaktauhimayumit.

Atan'nguyaginiaqtaa Atan'nguyap Munaqhinut, Pilaktuiviatni, Atiliuqhimayuy Munaqhi havakhimmaaqtaqhait aadlangavyaktut havaagiyakhat qauyimayukhaqlu, ilitturihimainnaktukhaqlu ayuitpiaktaminnik kiuvikhaqaqtukhaq ikayurnahuaqhimaqaqtilluni aanniaqtumun pilaktuiviliqidjutini tamainni

tahapkunanilu Ubluummaat Pilaktuiviliqidjutini, Mamittiirvingmilu.

#### 4. HAVAAGIYAKHAIT

**Naunaiklugit havaagilluaqtauvaktut iniktigutinahuaqlugitlu havagiyayukhat havaami. Titiraqqaqlugit havaagiyayukhat aktuqnautqiyayunik havaami naunaiklugitlu qanuklikiaq kiudjutigiyaavaktut huuq havaakhat havaami havaktauvaktut. Tiliuqtimut atan'nguyamutluunniit, naunaiklugit havaariyaulihaaqaqtavaktunut havaanggit talvuuna pilutik kituni hivuniqaqlutik iniktihimayainnik.**

Atiliuqhimayuy Munaqhi, Pilaktauvianni munariyaqaqtuq kiuvikhaqaqtuqlu piqaqtittiyukhamik munarinirmun aanniaqtumun. Havaakhait hapkuangnguyut kihimi kiglihaqanggittutlu:

- Uqaqtiuniaqtun pilaktauhimayunut havautituqyuaqhimayunutluunniit.
- Kivraqtuiniaqtuq tamainni pilaktauvianni aanniaqvingmilu pivikhaqariami munariyauhimmaaqtukhamik tamaini pilaktuidjutiqivini (pilaktautinnatik, pilaktautillutik pilaktauhuilihaaqtumilu).
- Upalungaiyailuni hulidjutikhainnik pilaktauhuilihaaqqhimayumut.
- Upalunggaiyailuni ikayuutigittaaqtuniklu pilaktuidjutikkut katimayuni pilaktuivianni.
- Takudjutipkaqluni munaqhiit havaanggit ikayuutigilugut Pilaktautinnatik Munaqhiit ilinniagutait takudjutigiyaayuniklu ihivriuqtauvaktainnik.

Havaami takudjutipkaiyukhaq:

- Aadlangavyaktunik havaangginni munaqhiit qauyihimayainnik taapkunaniklu qanuqtun piliuqhimayainnik, timiinnut havaagiyayukhani, naunaiyakpagait qanurinmanggaatigut qiniktillutik aanniarunmikaqtunik, havautiliqidjutikkut, aanniagutiqalimaittaanggat qanuktun pivaktun ihivriungnikkutlu havaanggit;
- Ayuittiagiikhimayumik munagidjutiukhaq kiuvikhaqaqlunilu havaanut;
- Anginirmik ihumaliurnikkut munarhiliqinikkutlu ihumaliurnikkut ayuittiarutiqaqtukhaq;
- Havaamingnik Ihuaqhaiyiyuyuktuq
- Tuhaqtipkainikkut Ayuittiaqhimayukhaq
- Iihaiyiyukhaq hivuliqtiuplunilu
- Timimi In'ngutaagutikhainnut
- Havainnariaqaqtuq piqariami ayuittiangnguyut havaqatigiiqatikhainnik ilauyutlu amigaittuni
- Havainnariaqaqtuq inmigunginaqhuni havaqatigilugitlu munarittiaqtauyaami aanniaqtuq
- Ikayuqlugit aanniaqtut, ilaitlu aadlatlu ilaudjutiqaqtutlu aanniaqtumun.

Havaami aanniqtuqaqtailiyukhaq, kiuyuqhaqlu qilamiugutaudjutiqaqpat tuulliqhimaittumik ihuaqtumiklu

munarittiaqlunilu ikayuutikhainnik pilaktuivianni. Havaami munarituqaqtuq akuiqturiami nungguttailiyukhaqlu tamayanik hunavaluitniklu ihariariyauyunik OR kunni, RR kunni Ubluummaatmilu Pilaktuividjutinut.

Havaami piqaqtukhaq pilaktuiviliqinikkut havaanggitnik qauyihimayukhaqlu tamaini pidjutiinnaktunik qilamiugutauyuniklu, OR kunni, RR kunni Ubluummaanmilu Pilaktuiviliqidjutivaktuni. Piqaqtukhaq hakugiktunik naunaigahuarnirmun havaanggitnik ihumaliuttiaqtukhaqlu tuulliiqhimaittumik.

Havaami tikkuaqtauniagungnaqhiyuq munaqtigiyukhauluni talvaniinggitpat Atan'nguyaq Munaqhinut. Havaami havattiaqatiginiaqtait aadlat havaktut aanniqtailiqiyuni aanniaqtut munaqtauyaangginnik nakuuqpiagtumik.

Havaami havaktukhaq aadlanik havaangginnik: taapkuningga ikayuqtiuluni aadlani munaqhiviliqiyuni munaqhiit havaktillutik munaqhiit havaangginni.

## 5. QAUYIMANIKKUT, HAVAAGIYAUVAKTUT HAVAAMI HAVAINNAKTAQAQTAINNIKLU

**Naunaiklugit qauyimadjutikkut havaagiyauvaktunik havaamilu havainnaktaaqtainniklu piqaqtukhauyunik naammagiyauyaami havaami. *Qauyimanik* illitturidjutiuyuq piqaqtukhanik naunaitkutunik ihumakhanikluunniit pidjutigiinnaktunik kitumun nakuuyumik ihuaqutikhaminut atuqtauvakhaannik. *Havaaghat havaami* naunaikpagait piqaqtukhanik amigaittunik idjuhiit pidjutigiplugitlu malikkuutikhami ilait pivikhat pidjutiniaqtut havagiami havaakhamut. *Havaami havainnaktaaqtainniklu* naunaikpagait piinnariaqtaqtait amigaitut havaakhat amigaittunik ayunggittutikluunniit havagiami havaakhamut. Hapkuat havaangginnut piqaqtukhainnik piqaqtaukhaungmatta *havaamut*, taimainggittunilu havaktiqhap havaliktainnik havaakhat.**

- Piqaqvikhainnut qauyimanikkut atuinnainnakpaktuq piqaqtillutik naunaitkutikhagun ilihakhutik hitamani uqiuni iniktiqtikhuniluunniit naunaitkutikhakhuni munaqhiit ilihaidjutainnik
- Atiliuqhimayugiikhimayukhaq Atiliuqhimayuliqiyini Munarhiit Katimayiinni Nunattiaqmi Nunavunmilu (RNANT/NU mik naunaittuq)
- Iniktiqtumayukhaq ilihakvikyuamin Pilaktautinnatik ilihagutaannit tikiutimayukhaq iliharnikkut atauhianni ilihagutainni havakpakhimayukhaqlu Pilaktauviliqiyuni.
- Piqaqtukhaq Hadjain Inuuhivikhamun Ikayuutiuyuunuk ukiuq tamaatlu nutaangguktigiyakhaa naunaitkutigiyakhaanik taimaa piyukhaq
- Havaktikhaq ilauyumayukhaq iniktiqlunilu taaffuminga Aniqhaaqaqtiyauyaangginnik biibinnuat Ilihaudjutaannit, Nutaqqanut Ikayuutiqaqtut Aniqhaariamingnikni (PALS mik naunaittuq), Ummallikpallaagtunut Inuuhimmaaqtukhamingnik Ikayuuti (ACLS mik naunaittuq), Aanniqtittailinirmun Ilihaidjut (NVCi mik naunaittuq) talvanga piyukhaq hitamani tatqiqhiutini havaktitaulimat. Taapkuat piqaqtukhainnik naunaitkutigiyauyunik nutaangguktittiyauyukhat maliklugit ilihaidjutait malikkuutainnit nutaangguktiriami.
- Una havaaqhaq piqaqtuqhauyukhanik pivikhaqtaqtuq pilaktuinikkut timimutlu aadlakiingnguyunik kituni.
- Qauyimayukhaq havaqatihimavaktainlu inirniit nutaqqatlu taimaa piyagiikhimayukhaq, taapkuningalu havaktaaqtumik inmi aanniaqtumun ihivriuhyaami tamainni, illitturiyukhaqlu unniutilunilu aadlanggukhimayunik aanniagutigiyauyumun kangiqhittiaqtumik tuulliiqhimaittumiklu.
- Ihumaliuqtukhaq aadlatkiingnik ihumakkut atugiami ikayuutinik uqariami aadlanggavyaktunik talvainnakmi pilaktauniaqhimayumi hadjainnakmilu pilaktauyukhami. Ihuaqhaiyukhaqlu ayukhautimun, nakuunahuaqtittinahuaqlunilu talvallaqmi unggahiktuvallaangnikkut humiitiptingni

ilaanilu naunangmat piniaqtainnik havakviup tamayakhainnik.

- Aadlatkiingni pitkuhiqaqtuni havaktaaqtukhaqlu taimaa piyukhaq.
- Una Havaakhaq Havaagiktiaqtauyukhaq. Ihuinaaqpagiakhainnik Nutaqqanut Titiraannik Piqaqtukhaq Naammagiyaayumiklu Ihuinaariakhaanik Titiqqamik piqaqlunilu.

## 6. HAVAKVIUYUMI QANURINGNINGGIT

**Titiraqlugit ahikkuuqvikhaittut, ahinit pipkaidjutigiyaavaktut havaakhat havaktauyaangginni talvuuna ayukhautigivaktuq havaktikhmut. Kaffuiktariaqhainnik naunaiklugit, hivitunia ayurnaktut ayurnaittutluunniit tamaita takunnaqtut kaffuiktaudjutini (imaakaffuk, ubluq tamaat, malguiktuqhuni pinggahuiktuqhuniluunniit ataurhimi havainirmi, talimani ikaangniit atauhirmi ublungmi).**

### Havangniaqpiqaqtauniaqtut

**Naunaiklugit havangniaqpiangniaqtauyut kaffuiktuqhugit hivitunialu pidjutihimayut unaguktittipluni hakuiqtittipluniluunniit.**

Kivittuni, nuutiripluni ihuaqhayaiplunilu ilitturihimaittumik, ilitturihimakaffuktumikluunniit anniaqtunik

Nuutiripluni uqumaittunik tamayanik, hanalrutiniklu

Nanggiinnaqhunilu

Piqattangniaqtuq imaa havagiaktuqyauniaqtuq “hivayaktauluni havakviannit” havaqyauniaqtuq “unaguivyakhimaittumik”.

### Avatimingni Qanuringninggiit

**Naunaiklugit avatimingni qanuringmanggaatnguyut havaktip havakvikhaani, kaffuiktuqhunilu hivitunialu talvani havakpagiakhaanik. Iliutilugit qanurinmanggaanggit qayarnautigivaktut aanniqtuqangnahukkuungnaqhipluni, aannialaqinnaqhuni uluriahugungnahukkuuqnaqhuniluunniit.**

Ittaaqtuqlu talvani aanniaqlaqttaangnaktunit aaniaqtunit.

Ubluq tamaat ittuqtaaqtuqlu talvani qayangnarutiqarniaqtuni amingnaqtunik unalu/unaluunniit kuviyaaqtunik qayangnaqtunik havautiniklu.

Ittaaqtungnangniaqtuqlu ihuiguhuktunit/akhuuginnaktunilu aanniaqtuni higaakluktunit/havautitukyuaqhimayunitluunniit.

Ittaaqtuqlu talvani ihumaaluktuni.

### Atukyuangnakniaqtut Mihingnautit

**Naunaiklugu qanurinmanggaat atukyuagutigiyayut havaktip kituni mihingnautigiyainni. Atukyuagutiginiaqtut talvuuna pigumik ihumaliutqigumik ilitturidjutiqagumik hunamik kahangnikkut, naima, takugumik, tuhaagumikluunniitlu. Taimaittungnangniaqtuqlu qinittiaqluni tuhaqtiaqluniluunniit naunaiyautinut atuqhuni atauhinnaq amigaittunikluunniit havaktip mihingnautainnik.**

Atuqhimmaaqłuni tamainnik mihingnautainnik ihumaliuriami aanniaqtup qanurinmanggaatigut. Ittaaqtuqlu talvani kukuuqtaqtuni nipikkuqktuyunilu tamayat in'niqutiqaqtunik. Ittaaqtuqlu talvani kangiqhipkailunilu timip imautainnik.

**Ihumakkut Akhungnangniaqtut**

**Naunaiklugit kituni havaami kitut ihumakkut akhungnangniaqtut unaguhuktittiniaqtutluunniit imaalu uumilguhuktittiniagungnaqhinaqtuq qilaanaaguhungniaqtittiniaqtuqluunniit.**

Piyukhaq naammagiyaulutik tamainni havaktikhanik unaguiqhiktigaluaqhutik hivayaktauyut havaktukhauyukhamik havangnaitillugu ubluummaat.

Iniktiqtukhimayukhaqlu havaami havaaqhainnik (taapkuatut takuyayukhanik munaqhimin daaktiminluunniit) taapkunaniklu qilamiuguyayunik.

Ittaaqtuqlu talvani ninggaqtunik uqamaluktunilu aanniaqtunit higaakluqhimayunit havautinitluunniit taimailittut.

Ikayuqlugitlu piumayainnik talvunggaukaffuktunik pilaktuiyit havautiliqiiyinitlu ilaani ayurnangniaqtuq ikayugahuaqhugit piumayainnik.

**7. NAUNAIYAUT TITIRAA**

Havaktip Sainikvikhaa	Atan'nguyap Havaanga
Titiradjagikhilugu Atiat	Atan'nguyap Sainikvikhaa
Ublua	Ublua
An'ngiktara taiguqtatka kangiqhiplugitlu munariyayukhat uumap havaakhaani.	Angiqtara una havaakhaap naunaitkutait nakuuqppiaqtut munariyakhat haffuma havaaqhainni.
<b>Tugliuyuq Ministamun Sainikvikhaa</b>	
<b>Ublua</b>	
Angiktara havaagiyayukhat munariyayukhani titiraqhimayuni uvani titiqqani ilaliutihimayuni havakviuyup naunaiyautainni.	

## 8. HAVAAGIYAUYUNI NAUNAITKUTAA

Ilaliutilugu Havaagiyauyuni Naunaitkutaata naunaiyaqlugu havaktikhap humi ittuq, havaqatait, havaagilihaaqviuyut (piqaqqat) atan'nguyaplu havaanga.

**Qan'ngani titiqqat piyauyut naunaigiami havaagilluaqvikhaanik hivitunialu havaanga havaktikhap havaktakhainnik uumani havaami. Pidjutiginggittut unagulaqinnaktuni havaagiyakhat hulidjutiyunilu pidjutiughani havaami”.**

## 9. Ilanga A – Titiraqhimayut Havaagiyauyut Naunaiyautitlu

Nunallaaq	Havaagiyauyuq	Atan'nguyaq	Freebalance Naunaitkutinga
Iqaluit	10-11671	10-4298	10640-01-2-235-1000000-01
Iqaluit	10-06994	10-4298	10640-01-2-235-1000000-01
Iqaluit	10-05085	10-4298	10640-01-2-235-1000000-01
Iqaluit	10-12399	10-4298	10640-01-2-235-1000000-01